

鮎  
埼  
亭  
詩  
集

結垢亭詩集第五卷

甬上全祖望紹衣著

舟中興旋生話海昌前輩事因及施兩菴職方  
本末并詢其遺文旋生對以里中從無知者  
因嘆柔海豪華淪埋無限當亟為求之即賦

古詩

以下吳  
船集

東江建行營兩菴勦旌纛暨其柔棧遊兩菴捍圍牧  
沉異不可扶斲絲不可續淒涼黃蘗山兩菴棄初服  
故人唐魯公六棺淺土暴重阨謀一坏事在琅江錄  
試讀卜葬詩可以當野哭婦來訪故婦已逐野鴛宿

遂老火空門碧血瘞深谷斯人竟泯、後火能無噉  
世鮮吳立夫誰發遺民躅今君多讀書舊聞且滿麓  
試為訪遺文如聽漸離筑晒菴重泉下定六一張目

湯千戶歌

丙戌海昌之師姜指揮以所部應俞監軍事  
潰火之此見于諸家野史所紀尚有湯千戶  
者其火最烈今海昌里巷中以為神多祠禱  
之而惜其名之不傳也旋生請予紀以詩

生為上柱國火為閻羅王成為佐命勛股為故國殤  
其名字可泯其英爽不亡吁嗟乎此間鄉裏晚即當

抗露山前遊魂傷入閨不敢見  
毅皇千戶神雖小蔚  
為里社光羅剎江頭猶堂：

追哭陶梅中太常

五湖音問久寒：渴欲相逢話久要  
一夜怪風吹夢  
冷廿年舊雨泣魂消直言去國良無媿  
醉酒傷生豈

所料從此故人狂簡性更誰散髮共招邀

梅堂先生  
嘗曰謝山

之既放極矣而稱中又近之然予嘗謂稱中若與時  
倚仰固不至左近即左近亦尚可回翔光祿鴻臚之  
間以求再振而稱中飄然歸田竟以負灰是則其不  
可及者時梅堂已病予見之白下數日稱中乃能如  
此

題水木明瑟園

芳園好亭榭賦自小長蘆雲氣接林屋天光通射湖  
掃除金粉澤想見大痴固謝豹花初放嬌紅媚酒蠶  
過澗上徐高士昭法外堂

為問徐高士流傳尚有居蕨薇長遍野畫卷更誰儲  
大雅消沉後殘山涕泗餘曾聞湯憲使徒步此躊躇

弔念祖臺

一卷酸心錄書亡堂亦過

崔洵先生著酸心錄二十卷志前代事為盜所去

事曾聞舊史地應湖平泉怪石枯藤繞荒塘亂藻蘆  
百年遺獻盡相對足凄然

此間兩仲子俱不覩先人歿去猶埋血生存宵折巾

流泉共於咽，喬木亦酸辛。所喜清門喬，貞心尚食貧。  
次子應文公，此符被速于此。

最憐生壙碣，有婦隔幽墟。未忍恐吾母，何嘗忘故廬。  
山携敝亭色，篁秘石梁書。舊燕還無恙，巢痕半已除。  
果堂挈其從，子再過予舟。中僕夫失足，幾墮水。  
急雨飛湍裡，勞君滑。來猶搗木瀆，霧蕪致竹林材。  
莫使蛟龍得，幾為蛭虻衰。驚魂重絕倒，破例一詼詒。  
果堂自言生平不作詠語，今日見君乃一盡之。

題文先生啟美手蹟後

舍人稱汎愛，偶尔狎懷寧。亦有番江秀，同調焦尾聲。

謂鄭湛若也故美與湛者皆以  
殺及文圖海而故美尤神之  
抗詞漳海獄泣血下  
江兵到底岐緇素何曾混渭涇

南枝先生賈字歌

始與之錢江州酒彭澤當年六姑受秦餘山人更絕  
奇一粟寸絲都不苟商邱開府真雅人兼金治櫝意  
良厚豈期遺戒有前知肯令出宮翻失守生平賣画  
聊易米今日雲烟已烏有游閑何處來寓公數載積  
錢賈字久老生貯此不時需原為山人謀身後同此  
非力不貪心画耶字耶特轉手開府雖非盜跖金未  
若清風來好友山人葵罷寓公歸依舊深藏鐵隸手

蕪人造為所南心史舊本索高價不一而足然  
即係舊本亦屬海益施叔祥之筆並非所南  
故物也閻文百詩蓋嘗辨之而吾友厲二徵  
士獨以為真則嗜竒之過矣是用作歌以曉  
蕪人無寄徵士

鄭君督井物出之四百年一朝承天寺觀者何喧闐  
謂為神護持用以行沈寃誰知考張霸近搆自益官  
其妄且無論其妖則信然無端作此偽似亦得氣先  
何異天津橋忽為聞杜鵑當時數巨公大半殉烽烟  
玉筍與虞孫足並文陸傳降而亭林徒亦與鄭比肩

遂不復致疑百口板相沿論世適相尚論人適相班  
志氣所感名誣謾皆概閱迺來書估船益復造舊箋  
裝潢審行墨動索十萬錢不足供一笑誰攷潛印編  
我昔在三館曾見錦綫編欲抄竟未果至今魂夢纏  
何時得此集稍以所画蘭絨之示諸子斯價直琅玕  
所南錦絨集于子  
永樂大典中見之

泊舟吳門訪得姜貞文先生遺集其孫本渭即  
屬子編次因寄穀谷林父子

此行無足供清娛喜購梁鴻殉墓書小艇孤燈排月  
表墨痕猶和泪痕儲

敬亭遺稿得連珠、錢、潘、蒼、涼、張、杜、余、他、日、東、歸、足、飽

看一飯、遂、伯、百、瑞、璜

福、載、梅、茶、茶、村、澹、心、三、序

次山侍御以病謝客小詩奉呈

講堂細讀倉公傳、弟子愁吟莽首詩、有客到門遂與

畫屏營斜日下山時

江左大吏新得請為故檢討楊公維斗立祠蘆

墟此盛舉也喜而有作

勅下泗州寺旌忠思命殊喜看滅頂地重作兩牲區

古柏重生蔭

古、柏、楊、大、堂、名

荒蘆尚有墟、獨憐卧子輩、何日

共芳醪

果堂問予近日所著何書予無以荅也乃索近  
所詩而去

星霜催短髮未有一書成慙媿不鳴鳥空憐太瘦生  
健忘將報業有感但言情輸尔航：響重茵獨擅名  
閨後入夏決月猶見紅藥

春夢尚當階不隨餘分去此番花信風難挽驪駒駐  
我唱無庸婦嬌紅且小住

以書屬太倉州牧求宋文菊齋春秋及遺集

崇沙宋公古君子一言一動婦正始病狂豈果是真  
狂只求牡蠣灘頭成六年窮島血淚枯求成不灰為

保孤鮑淵相國藐一綫百死不逃因俘藐孤既色  
且賣藥不灰刀鏃或窮約尊攘之辨何皇、耻道符  
秦王景畧使君新命牧名州國經舊德應旁搜崇沙  
湖汐鯉魚便莫令阿儂穿双眸

題楊商賢手蹟後

商賢為副都維垣之子嘗避地至吾甬上予  
少時頻見故家中有其唱和詩然以其為副  
都子不甚留意也及讀愚山先生所作墓志  
而後知其人蓋邠居實趙德夫之流不以家  
世累其賢者乃自悔前此不收拾其詩去年

錄甬上耆舊頌及寓公而商賢詩已散亡不可得矣今年于吳中書肆見其手札為題詩于後以志吾過商賢名彭齡嘗與金忠烈公鉉同講學後卜居舊都柘葉渡

中丞一死事難詳補過還資維鳳良柘葉渡頭長恨在清流洗出碧梧香

副都之友不覆梨洲先生辯之然商賢之志節固可哀也

前大理雍公熙日字辰生一字耐广徽人而居蕪最為萊陽二姜友貞毅避地浙東辰生同之貞文勤王西陵辰生同之及貞毅兄弟北歸省親記妻子于其家其卒也諸遺民上

私謚烏辰生嘗至甬上予向蕪人訪之罕有  
知其姓氏者姜氏後人雖知之而亦無從求  
其遺文矣

百年尚未有篁墩誰索黃山故老魂猶仗敬亭兄弟  
力得從瓢路口中存

吳市見白杜鵑花

望帝已去國羞陳故赤符嫣然擁白帟瀟灑出江湖  
謁湯文正公祠

經術原經世如公曠代希百泉承學統中岳有光輝  
建節甫敷載移風已庶幾伯淳苑未竟吾道豈終非

屈指諸前輩終無第二人尚存吳苑祀未荐頰宮茵  
道以躬行重人從述作論甘棠猶百世盥手酌青蘋  
近日方侍即靈皋請公從祀  
礼臣以公少著書逸格其請

### 滄浪亭

一竑行吟地風流尚未寒棄材良可惜召謗不無端  
放浪需山水摧殘感鳳鸞漫堂今亦少誰足供清飲  
沈寶研以其子不肯習舉為虞詩以解之

此是朝陽鳳今從何處來他年學成後一決震風雷  
老子真多事即君慎別裁荒田埋八識從此障雲開  
題姜如農侍郎荷戈圖

七尺疑金鑄，須眉尚儼然。  
茫亡國感忽，荷戈年  
甬上曾弭節，先人辱贈箋。  
一軍驚失守，連跡各殊天。  
珍重山居誓，蒼涼野哭篇。  
哲彙棠蔭在，賜廟海隅懸。  
鑄託詩無敵，螭螭話足傳。  
先生至吾鄉見鮎埼歸東  
諸海錯迤疑不下箸  
聊墮馬哭弟，幾摧紉族未零。  
王葛居胡變，海田清高  
蕭遺像感，槩望造門式。  
里重思舊披，圖願執鞭可憐。  
廿四氣早已化雲烟。

題靈岩儲公騎牛圖

三月十九是何日，騎牛野哭荒山顛。  
乃公耿耿攀龍意，度語登堂孰與傳。  
儲公嘗登座說法忽問曰今日  
山河大地更是幾番皆愕然不

能對儲公  
潛然而下

南州高士清不染獨許乃公饒  
巖菝居易齋前蒿迳  
熟牯牛還往搃如飛謂侯齋

東陳觀察齋

副使左遷後出居樂有餘到門無雜客  
挿架擁多書  
白髮親能養黃金笥已虛諸公方遠  
：敢吹蒲吳餘  
舟中編次南雷宋儒學案序目

閩洛源流在叢殘細討論茲、湖新火渺、見精魂  
世畫原伯魯吾慙褚少孫補亡難兀、誰與識天根

故太僕陳皇士木瀆別業

今歸相  
鄭汪氏

太僕園如昔于今幾歲寒抄詩禪國史選佛挂儒冠  
太僕有啓禱詩選又嘗賦歲寒詩和  
者通海內今園傍尼菴其香火也 梧竹曲餘蔭池  
臺湖古歆靈岩在何處清籟出雲端

題秦餘山人畫芝卷

莫憂淨土稀尚有吾廬在采：神芝生附以石磊：

瓦蘭不瓦地翻笑所南隘

即用山人語

家居十載故人諳諫蠅集獨彭侍即芝庭曰吾  
親同館諸公蕉萃已極安得如謝山之春容  
自便不禁有感于其言

鮎埼亭下對蒼蕪讀易忙時且下簾敢道玉堂天上

客不如漁父，澤中黔八磚。筆札誰雄長，一研舊畚我。  
薄餐祇為向來無，遠志守雌守黑更何嫌。

道南祠下雜作

梁谿泚：惠泉清流出龜山，木鐸教怪殺荆舒猶未。  
盡至今茅葦寫科名。

揚門學派盈天下，我愛堂：喻子才一語六龍安隱。

渡豐公手援魏公回。

喻公晚自履  
陵寓梁谿

文簡文孫木石賢，文章載道亦巍然。如何史禍消沉  
後，流落震芒總不傳。

河津尚自費錢砭，此義秋霜夏日履。不愧兩公惟吏

卽到頭一死比銘詩

義山與高  
志憲公也

老成逝後失儀刑二曲西來更謂經誰復風流如駱  
守匡時要務振聾聽

有懷少保吳公捍山時行匡中通搗少保海外

遺詩

老臣久仗波為國厲鬼還教火浣衣尚有指南殘集  
在詩魂環繞故宮飛

譚家洲

為吊木城跡猶餘鐵鎖南風三日利白下百城嚴  
天定人難奮時平兵不占壁卽亦健者竟速殺星殲

時以教星  
陳破京口

追哭謝古梅閣學

故尚書雅州湯文正公官江西時以親老謀  
所以歸養者時例有兄弟者不得歸養而外  
官賜告非特將別終身不得起文正政有異母  
弟大吏以是遜殿今以杭宜請文正曰有弟  
而云無弟是非所以愛吾父也且歎吾君遂  
以病告竟致其事時年三十有三其後卒以  
存起古梅官編修時謀歸養私自念曰今之  
得請者皆名終養是待親之終也其詞不順  
亦以病告居家一十六年予謂古梅此一節  
足道配文正凡為人且人子者皆以法及  
古梅除服驟起不二年至閣學且將大用矣  
適以病卒于興古梅未嘗相識每從臨川先  
生及吾友杭編修董浦得聞其賢古梅出山  
予已竊官歸矣已而游丁先公先太孺人之  
信慰問且謂人曰此末不得見謝山乃一恨

事予婦婦具述之于方擬致書謝之不料其  
以之遞也古梅雖驟官至二品歲月淺未得  
有丙茲行尤可悅惜時予方廢業未得  
為時挽之又六年迫理其言不禁腹痛

通夢神交二十年茫：一旦隔重泉鮮民未解奉魚  
恨遠道俄傳鶴鳥為膏志竟歸春夢裡新魂遙哭堊  
崇前閱書他日傳醉行粹白如君孰聞然

辛浦以入艷婦先過京口一日不得相見

馬尋舊路君行遠風滯征帆我到遲相遇甚艱相念  
苦新詩幾許橐中携

得衡陽謝令札請改南遊之棹于明年

未有昌黎銳猶然阻望雲夢隨彭蠡鳥先謁洞庭君

感懷

以下耕江唱  
和弟二舟

古人觀世道首重在人心天地縱多故此志終昭森  
其或不然者天地且昏沉是以子孟子苦口距故淫  
斯人方寸地治亂所侵尋奚止中流壺匱三千黃金  
自從炎漢後二千年于今人心雖日替猶仗一絨任  
有時見假日一替昏靈陰有時遇震雷一發咀鍾瘖  
支架此大造廓清良有玉胡為邇日來澆薄不可禁  
凌夷成痼疾沉綿日以深漸且入膏肓醫和無能鍼  
四民縱殷阜亦復非好音而况日局促溝魚在沸鬻  
昔天苦人滿衣食堆為周農也願力耕研苦乏田疇

再易三場地高僧十倍求商也更大耗子母不見時  
架虛以欺人強半成漏舟楫者兵耶簡練尤繆悠  
其寔乃市人何以祢奸仇更有諸勲術生齒日以稠  
不耕而不織糜餉坐若流勢且葭可總道在豫為謀  
空救

聖天子玉燭親網繆諸公稱股肱而徒安苟偷足食  
與足兵果何道之由

文章雖小道元氣所節宣三才有素鑄冥々嘔其間  
隨運為降升良亦非苟然列朝諸著述大概畧可言  
有人一振之旋轉蓋如環而今胡日下東流勢不還

强者成象孤弱者成寒蟬天地失正報莫過羣兒喧  
其在洪範中咎徵豈無端杞人竊搔首作詩志憂患

韓江詩社浙中四寓公後為契榭莖浦蕙田與  
予也然前後多參錯予不到韓江二年矣今  
夏之初館于岫谷會經堂中同人喜予之至  
而惜三子之不偕即席奉答

昔我來是間行篋方經始倥偬渡江埽魂勇幾勞止  
迢迢双鯉魚莫罄論詩旨轉瞬三夏間相逢互歡喜  
重來訝新筵舊雨連故履東西萬貫管各長孫子  
聞中古先生微笑一彈指倒履增洵悵披襟消塵滓

今年溽暑早火雲迅于矢愛茲別有天薰風環園史  
諸公冰雪腸吐句清焚膏而我已才盡坐笑彭亨丞  
遙湖浙河中水雲正清泚故人夫如何梁月共徙倚  
復齎撫軍卧病予至扶掖出見為之悵然

當年開府鎮呼韓頓盼能教啟胆寒幾度風饕兼雪  
酷三彭豎子得摧殘

當年上殿荐甘盤夫日功成奏治安今日江湖茅屋  
裡瓜棚豆時病中看

一飯三遺亦可嘆誰教報國夢魂闌祇應漫興消吟  
竅閑對楊枝美葉丸

半查有子五歲能誦唐宋人詩琅琅可聽

此是君家事垂髫已足徵他年吟社裡拭目鳳雛登  
安北白眉秀薪傳絳帳承祇慈文、句幾許費糾繩  
客有詢及故相陽城公道事者答以不言

相君勲業應誰同曰杜祁公文潞公斷、休、元老  
度渾、穆、德人風乞身豈為尊醴志上殿長懷布  
栗桐此事誰人成補狀莫教綸閣泯孤忠

蕙田問予東武四先歷顛末以詩代札

鷺島波濤裡曾頌此一編白頭餘二相墨制志殘年

謂路公振飛  
曾公樓上

五指唯傳信長垣競着鞭

時海上

我尤

憐亞子壯志亦軒然

題方浮山先生画

白石不可爛殘山尚自開  
携婦嶺嶠色却作画師材  
蕭散通神悟嵯峨嶽屺仄  
西崦話道事蟬脫有餘哀  
唐堂為子言其同里故吏部  
張君忠震之賢予  
素未識吏部不料其植節如是也

殿上更無胡侍講  
天邊遍唱李龜年  
葉江：水應照  
穠猶喜双清挽逝川

消夏什器偶賦同懈谷兄弟

倦倚藤牀去新傳  
旂氏工象形  
疑有底托體  
愛虛中

騁據增安隱清吟退蘊陰  
龍尊暨瓦缶伴汝共薰風

右磁隱囊

此君真不俗衣被足神清  
率耐寒友支離觸暑行  
結來金瑣碎掄出玉琮琤  
我欲鶴詩句應加汗簡名

右竹衫

火龍東下界忽阻松毛陰  
涼氣度香氣古心清熱心  
兩餘添鬣翠風至應滄吟  
祇恨宵分後明蟾不可尋

右松筵

橐籥生噫氣能教蒲座涼  
吹噓奪真宰旋轉在中央  
天上南箕怒人間造父良  
願言推此術解慍迓窮鄉

右風車

矢口能呼雨，推翎尚致風。  
鄭詹應一笑，麈陳薄涼中。  
尚帶洛江色，休忘扑火功。  
青天遭毒手，高舉愧孤鴻。

右鶴毛扇

雨中聞蟬

簷雷忽暫住，好風來前楹。  
郭公正需醉，齊女俄長鳴。  
教舍嘉澤潤，律中小素情。  
連朝炎雲解，乍疑秋思盈。  
木杪紛飄，身根空冷，微禽亦自得哀怨，歸和平。

南圻訂為環溪州，堂看荷之行甫，至程氏篠園。  
雨甚即坐其亭上看荷，東諸子之先至環溪。

者

甚雨阻前路况已有荷花蕪雨空延佇得半山自嘉  
妙香出水面清籟浮林樞且作碧筒飲渺矣溪上樵  
飯後雨霽復至環溪

夕陽念雅集洗出空明天竟遂合并期別生成天圓  
把酒酌芳塘同氣偶殊阡一笑看新水應月生寒烟  
次日自環溪入城又雨復坐篠園過午聯句再

東諸子之先歸者

暑雨將雲變態多竹町衝泥得：此經過花因信宿

分榮落

謝山全

人亦更番互嘯歌空攬坐來移酒榼

玉井南圻陸祇小舟撐出晒漁策烟波別後應相憶鍾輝

恐塵埃負薜蘿

竹町

哭萬學士孺虛

一代儒林望 三朝侍從臣半生長落垂老摠

遭屯運洞宗傳舊槐堂學錄新中艾箋秘密五字費  
清真寂寞柯亭長蒼涼蒸大神孔融終結契王翰竟  
為隣分以忘年畧交緣講道親閱情在性命餘事及  
昏姻各有終天恨爭憐同患身重江隔雲樹列宿阻  
參辰放棹毗陵口聯床邗水濱所聞加遠密相惜為  
沉淪我已甘鋤菜君還嘆積薪稍傳為翮展未遂驥

塗伸存問空千里睽離又及春此情長不替再晤更  
無因星隕蓬山暗妖鶩鴟鳥呻斯文正零落後輩安  
於綸敬禮今誰託靈光忽以氓垂纓識元冕庶彥定  
遠廵

東城作小秦淮道古詩末索佚事答以五絕

蜀岡一帶紛坏土中有陳公窆石銘試向白楊林下

聽猶聞瞋目詈三經

陳了前墓

仲即遊治六微疵天語皇々責降詞聞道年來崇洛  
學風流口過莫為之

謂仲浮山

槩菴博物良無匹手記僧騰客事末誰教東行尋舍

利至今入定未曾回

詞考  
德郎

絕學空傳秦曉山弄九貫穿古今間可憐直自西周  
後男女交親未轉環

時會堂前春話遙甘棠埭上長蓬蒿而今誰肯揚州  
或禪智山光總寂寥

題宋徽宗摹張護搗練圖

上有金華宗卷  
今藏江都陸氏

道君皇帝摹搗練力為張護向生西秋風速湖白帝  
城奎章忽出宣和殿風流天子愛閒情野杵村砧都  
不賤完顏國主小後人定相流傳習未更明昌御室  
何皇：瘦金題字猶完善吁嗟乎天水碧太師青均

此搗練之聲所釀成一絢之絢四維傾令我手披東  
絹不勝情

題張琳前輩萬梅圖

上有王靖遠  
詩今藏馬氏

枝南枝北無美枝想見下筆淋漓時花光醉倒王靖  
遠筆力俯視楊補之寒碧亭前風信動龍城夢中美  
人思四明画史增遺佚題詩為報卽知張廣文之  
繪李吾鄉

後輩莫有知者卽玉  
冊四明画史亦失之

解谷招集行菴見黃葉滿庭偶然有作

我亦同黃落何堪置此間天心釀風雪客况阻河山  
瑟瑟瓦溝掩蕭蕭庭院間亂雲封貯處根觸感哀孱

小玲瓏館主人為予置裘賦謝

幸托春風裡原同扶纜多因之長繼終不覺夕婆婆  
轉眼消寒集驚心卒歲散故人能念我日飲且無何

唐堂宮允歸吳淞

又復分襟去相逢曾幾時鴻鷺旅夢小雪感離思  
楓葉丹砂色鱸魚白玉脂故鄉多秋趣寄我到家詩  
嘯齋招集同人賦寒色

高穹却縮瑟不獨我蕭然无酒淡無力孤雲閣自憐  
箇中叅太古象外識枯禪安得騶生律晴光忽滿前  
茶塢以于酒餽懈谷同人集賦

有客從吳苑提醪到廣陵名夸京口重色帶漫塘澄

駒馬猶連姓頭鸞並擅稱古香傳吏部清德湖中丞

謂玉立九滿二先生也柔海紛多感悲歌定不勝而

今成往事聊尔集吟朋入務嚴流品分曹記獻徵夷

然笑苦露何以署清澗氣稟金沙冽泉從地肺蒸杪

冬香雪貴相傳是酒以雪故園舊聞增卧甕君休捉

哺糟我尚能東南無此釀滄酒或同登

題蕙田夜雨圖

君家群季後人多玉折蘭摧喚奈何我更披圖增一

慟藝香山下吊棺和謂王

主甫

周忠介公墨城詩為沈寶研作

此研猶餘碧血痕  
冀州手澤重瑤琨  
犀犀地脈紛橫  
從胥浦湘毅共吐吞  
黨部已隨城社化  
墨池剩有水  
雲存風流更憶寒山隻一卷長箋應細論

研為寒山所用後以

贈忠介

宣密脂粉合子

姜宦洵家物也余枚橋陳迹履

別未覩子視之乃合也今歸桐鄉汪氏

宣箋細寫故宮詞  
更藝宣謹炙手特珍重  
西江新合

子六宮爭棟貯烏支

太平天子富共球  
陶正承恩供奉周  
汝定官音齋下

拜殘膏曾漲潞河流

姜即滿酒佳公子蓆帽行吟感慨深聞對綠窓陳素

素一編題識我酸心

陳素：宦海遊人也  
酸心錄多其手抄

卷山宮允解后吳中退謂茶塢曰此公豈能長

置却整中者笑而答之

故人相逢木瀆上陽春蒲座忘窮冬白華堪羨循陔  
樂絳帳且作傳經宗久矣心情諧猿雀是誰骨相符  
夔龍升沉枯菀莫酒問相於泥飲傾新醲

瓶花齋早集咳臘八粥同周京穆門金志章江

毅厲鴉樊榭丁敬純丁梁啓心葑林抗世駿

荳浦吳城既亭聯句

歲序何匆、門移彈指忽屆臘、換管灰再飛江、捫天星

一匝其月著漢家樊、其日重梵夾浴佛東京遺魏、消

寒我輩法吟社、邀襟聯林、山館喜簪盞、但期一飽佳

蒲荳况復七寶雜果兼檜殼、屠山米零、禽勺合釋之後

揉之既、亭戴剝還戴、指滌泉宜斧水門、升馨應焚、漸

看粳粒道江、莫教火力乏汨、乳泛樊、溶、醅滿

榼醞、翻條以成丁、和齋罔不洽、宿辨勝、咄嗟林、群起

占嗟嗑坐、擬集檀林蒲、圍如礼花塔、不待木魚呼山

爭訝水鳧喋流、散消凝脂亭、磊塊利用、揆侑以新、每

牙門穆下以乾豆美口香聞諸天江腹果傲古衲時方

雞三錦樊晨光漏簾押長明燈未燼純五厨忙僕妾

燒玉井光林中天何敢飲利益瞿曇云蒲家風宗

靖谷無詳放翁詩謝膏志吳郎剗新交四九辰既山

茶放紅恰有客重江來門將鼓東端揖蕭瑟度歲資江

清新紀遊筮斯人依食住樊多苦理生隱魯公半月

困純猶傳乞米帖我輩叨豐年茂文史佐歡狎歲事

舉上寅蒲明窈搜某甲流連及睡黃謝暮鼓敲磬

相期更卜夜既淨糜繼絳蠟門

結埼亭詩集卷第六

甬上全祖望紹衣著

萊陽姜忠肅公祠神絃曲

有序 以下  
偷兒棄餘集

祠在象山初忠肅死節其次公貞毅先生以建言撰烈帝怒不予卹南渡始有贈謚祠祭而山左道梗郝王亦遽亡東江之役長公如圃先生方知象山於是監國遣大理評事王公石雁即縣建祠致祭并祀其一子三婦一女之同死者貞毅貞文之至吾鄉蓋以此也不旋踵而甬勾又內附其宏之血未消尹鐸之城已隳百年以來祠為廣文博士厲舍海隅僻陋莫知忠肅為何如人也近有姜生炳璋者象山後起之秀來問余曰忠肅何以得祠象山予以顛末告之生乃拂拭其粟主且言於廣文分學田以修祀事并將新其祠宇可謂匡扶世教者也予既銘其麗牲之石復譜神絃以貽之

神之降兮海東羽旗飄飄兮光曛曛誰使神無家兮

良可恫白版帝子兮憐孤忠招遊魂兮為寄公有兒

墨衰兮正從戎保茲香火兮賴茲提封神其來兮駐  
我蒼宮

神之來兮海右謝嘉命兮稽首天使拜前兮賓僚拜  
後可憐薄命兮殊恩難久五日京兆兮西陵失守六  
宮野哭兮孤臣何有嗟甲乙之客兮誰某蒿萊長兮  
孤兔走

神之來兮不歸謂是吾王之賜兮百世其依典禮皇  
皇兮詎賦式徽朝遊石浦兮墓宿天門之陸佳兒佳  
婦兮追隨時有發鳩兮薦以蕨薇吳門雖廟祀兮非  
神所棲

神之居兮寂莫乃有好事兮出空谷訪舊聞  
錄謂國雖亡兮禮可續明祀淪胥兮斯文之辱上下  
帝皇兮遇之冥漠楚田雖瘠兮意不薄春有蘭兮秋  
有菊送明菜兮釀新醪甘棠已枯兮重濯以教忠  
兮礪俗神其歆之兮不瀆巫祝

故光祿陳公士京遺集予求之二十年矣今春  
人日忽得其手稿喜而有作

逋叟風高漢管寧半生心跡付滄溟海年竟向鮫宮  
盡唱萬時呼蜚戶聽

海年唱萬  
即公集名

故國到今傳義士遺

文不沒有神靈昨挑七種新芽菜把酒長吟酌一瓶

魚書卷二  
二  
樊榭以湖上春水船詩索和

消受春風何處住澄湖一葉足浮家薄寒因為添微  
雨新漲多綠瀾落花遊女愛軟將進酒詞人通唱浪  
淘沙嘉名華錫從詩老不繫園吟好共夸

小寒食日全人泛舟湖上和楊東維花遊曲

新綠繡透陰濛、明朝知有清明風扁舟送到重湖  
裡南屏山色碧于水當壚少婦笑倚門春愁飛上蛾  
蝶裙願謂遊人試緩步前頭便是蒼公墓冬青花信  
杳不來願君酌之酒一杯酒酣長嘯傾墨梳詩成低  
唱叶檀板東臺之東西臺西聊借花遊漫興題春光

合為詞人使轉眼花期過廿四多情少婦乞短箋借  
問即席成幾篇

和樊榭城北菜花詩

城北來看宿雨痕  
畦蔬香氣正氤氳  
幾番花信寧遺汝  
一片春心別有群  
誰為點酥和碧水  
遙疑捧日湧祥雲  
退紅沉紫都零落  
輪與園官擅互文

繡谷山房藤花下小集分韻

東風吹過扶苗枝  
詩人豫擬戲春詞  
玲瓏簾下思手澤  
角弓封殖何繁滋  
渾訝軒后蒼龍蜿蜒去  
胡蒜忽自空中垂  
斜穿倒掛不可數  
化作餘霞千佩輝  
一鹿

新綠萬縈絡，雄虹雌交蔽。廊上有遊蜂，浪蝶探香窟。  
窟下有落英，片<sub>二</sub>投酒卮。主人笑斟琥珀髓，謂詩不成  
客無歸。我詩草<sub>一</sub>多率筆，安得橫空硬盤與花爭  
崛奇。

純夫觀察巡視浙東海隄，次日為元己屏去車  
從，修禊蘭亭真韻事也，寄以二律。

變旌蕭洒度東州，令節閑為薊上遊。勾踐往荒小草  
在，永和春老羽鷗白。山僧能指冬青穴，河女猶傳夏  
統舟。記得明湖修閏事，曾陪高座叱羊劉。  
謂去年雨  
屏之集

萬壑春流迤使君，湘湖蓴菜碧干雲。一帆已盡滄江

勝十集遂募禊帖文高致詎慚王由史同行惜少鮑

參軍

時海防通守鮑辛甫  
以日為不豫為恨

此遊定有詩成錄越絕新

編續舊聞

題藥齋遊金鵝山看桃花遇雪圖時有還牧馬

州之命

金鵝山裡如天台紅雨夾岫連岩開  
令君援琴奏白雪一霎中天應召來  
波下花先爭灑灑樹頭絲鬢翻  
濯濯為支鷄素互生動春姿巧惜冬心  
培令君含笑呼新醕山靈為我潤芒鞋  
河陽正惜滿郎去今都尚物利即回我  
亦披圖長懸身未入山神與偕

夜讀漢書

英：漢武皇強仁更慕義六經置學官公車招俊乂  
其如內多欲色取少真意天門高岩竟得雲更送蔽  
將謂下界臣窺伺豈不易誰知汲內史一言洞肝肺  
於赫田武安淫威以依親其且茂如寧復有倫輩  
靡然爭昧帝將以邀盼昧盼昧止難邀聊以免罪戾  
吁嗟羞忍心于人豈不大所以灌仲孺裂脰更不悔  
娥媚公孫子曲學善阿世及其誅郭解居然持斷制  
直教大將軍挽首屈正議全時奸宄徒聞殺群喪氣  
一事足表章未可言尸位徒：論世餘公孫尚唯鼓

粵若建武初生材亦已多  
花網正獨運十九遭  
攻剗忽爲文武盡是誰  
潛折磨折磨固不恨  
其如國脉何  
愛老與愛少志士恥  
揣摩可惜馮郎中  
白首竟蹉跎  
家訊至知昭兒已就塾

遙聞兒請業梨粟非可  
戀先人襄治傳危繫  
斯一綫勿讀無益書  
貽笑賤偏賤

阿翁讀半世無救寒與  
飢里中新泰兒排請  
固其宜豈知君子節  
不以集枯移平生所  
願學豈不在昌黎  
獨于訓于詩不爲兒  
誦之遊哉善努力固  
窮以爲期從來名父  
子強半成碌、汝父  
負虛殼撫躬慚涼薄

幹蓋在兒郎類我則已存

晉江夜泊有感准張舊事

中山礮火下襄陽王蔡諸兒尚處堂一夜玉拳收霸  
氣隔江國海墮凶芒幅巾不為典朝屈銀椅終隨愛  
弟戕始悔連雞無遠畧上流失計聽陳亡

中山王川  
襄陽礮破

吳軍

且莫論人成敗中勤君終不負重腫是誰浮海祈王  
帥有客臨江吊楚公

謂九靈  
公白也

應怪荒朝偏得士翻嫌

新主未憐忠更聞一掌柯陳地三百年来道未通

友

之暴而有累世  
幼忠者異矣

君王百戰定姑蘇，逆命原非黔首辜。不為一方紆積  
困，更憐運孽有加租。序書何必煩多詰，筮易先聞罪  
後夫。近日累傳寬大詔，三吳始得免流逋。于崇謂明  
祖之虐民  
最甚

以十洲春餽茶塢

酒名。宋時甬上嘗以入貢。今其法尚存于慈谿。畧與得酒

仲倫

十洲春色好，冲淡在神明。坐笑濁醪濁，來接清聖清。  
翩、六從事遠到闔廬城，風俗歸來後，陶然移我情。  
信宿水木明，琴園東茶塢。

混、上沙水霑、靈巖雲、從西山水自東江分。

積翠望中落砂香空際聞以野乃更秀以淡乃更文  
裊娟遺世立脂粉不足群賦才輸醜舫跋語推義門  
諸公不可作空餘醉墨痕而我但攜手蒼然對晚醺  
介翁曾經始一榻來松陵太湖感落日是亦百六微  
草堂成汐社高節凜明冰故園難改姓空亭未易名  
主人蕭洒姿足以嗣典型流泉不改碧喬木有餘清  
春來舊燕子繞梁還屏營可憐澗上居弥望已蒿芎  
吳江徐高士介白築此園高士雲賦太湖落日見賞  
于卧于先生今園中有介白亭不忘所自正陽岸為  
貼法洵上州堂

性餘數椽

清才如吾于蕭散絕風塵生世偶不偶抱山作詩人

聊復與我曹泥飲消斯昏泥飲亦自住麴部無垢氛  
五湖好冰館足餉上皇民嗟我尚鹿：衣食困蹄輪  
何時得息機葆茲淡蕩魂願為君灌園研北老耕耘  
水木明瑟園阻歸

昨困矣蒸甚鳴鳩喚奈何中宵喧旅夢驚浪出林阿  
乍息忤：累如傳踏：歌曉來看池水新漲半篙多  
豈是山靈意勾留遊子鞅雨呼公莫渡風唱客無歸  
花信行將盡濤殺不可磯浮屠休見請三宿戒多違  
主人應念我帶水隔遙村不惜淹三迳其誰共一尊  
空庭聞鳥語清思落苔痕明日應相見新詩好共論

水木明瑟園古藤歌

昔我遊京華及見三古藤其一尚書省猶傳文定舊  
都廳俄而吳回降詔：出：寒灰零其一海波街尚  
署金風老子名俄而富媪震橫裂活埋婦者冥其一  
合肥郊五傳槐棘相因仍臨川侍郎下我榻嗚：于

于和詩百輩羸

湘北相公郊第以師生相授曼長洲  
林尚書嘉善曹侍郎林城張尚書以

至臨川先生皆官至九列

稱盛事甲寅

乙卯間予假館焉同人咏古藤數百家十年落拓湖

海上春明存歿百感增鷺見天平谷口凌崢嶸古根  
詰屈穿山出醞釀洞庭七十二峯之精靈踞地先成  
偃卧形老巖當道群貉屏欲上不上意磅礴忽然蹶

起勢騫騰百轉千蟠故作態低頭下瞰紛長纒其心  
時復吐雲氣其幹將無間銅腥其杪迎風舞拂：大  
垂小垂都瓏玲就中倏生數直幹岸然如絙復  
如繩空所依旁冉：升此尤怪絕得未曾浙中繡谷  
亭前一率差相亞細枝猶疑殊尹邠主人送佳木插  
架三十楹蜿蜒循蒿迤以以曲折成入門未窺諸瑤  
綠蔽天已見十丈青頻年三過此可惜未與花期丁  
是藤不花以復佳礫石高節誰抗衡老我感舊空怔  
營

法螺菴采萼東茶塢

在昔黃夫子未嘗吳下尊誰知千里種田得五湖春  
有客來望國前身小晉人偶過蘭若裡一咲擷芳津  
津望先生嘗疑近日吳下尊萊無同謂其種  
已絕不知尚有存者但投浙中猶晚出耳

果堂墓吳江縣志索予所作蕪寅侯傳因需其

潤筆以戲之

辛苦蕪儀卽埋魂天盡頭雪交亭下淚長共怒濤浮  
吾友揚秋筆圖經仗闡幽講堂一束脯餉我亦風流  
奴子怯筐而適得三絕

鐵狼鳴我前飢豹鳴我後果然揚叛兒一朝脫兔走  
初筮喪僮僕再筮喪資斧剩餘筭中作斯人棄如土

遲我渡江返黃金或稍充廢奴如鷓鴣此去太匆  
酒耘先生令譜元人竇莘所作予從永樂大典  
抄之所載唐人令今無能行之者

事始原觴政于今盡失傳如何宰天下強欲祖周官  
午日秦淮燈船

故國百年酒釀天遊人連權賞清時曲廊高閣送無  
恙不見當年丁繼之

觀音門夜眺

覆洲喧鳥遍平沙尚有鱖魚上酒家畢竟江南風景  
好渡淮無復此清嘉

梅韻三日選詩喧鳥覆春洲吾  
于燕子磯晚泊見之烹魚一醉

致足  
樂也

涓園謁方丈望谿

平原放生址禽鳥猶清選  
小山生白雲寒泉流紫霞  
珍：高柳蔭媚、新葵花侍郎此著書  
門外絕軒車  
荆公論中壘強聒良苦多  
杜門謝世事脚足養天和  
寂莫茲一區遺經供研摩  
猶餘韋孟夢寔不召風波  
叢殘古六藝千秋雲霧深  
來髮事討論為老猶沈吟  
揖讓昔人間曠然挾其心  
此外可勿問卸書任如林  
廿年荷陶鑄十年惜別離  
六年遭荼苦餘生患阻饑  
以此成慚負著書者無期  
猶喜素絲在末為緇所移

侍郎今年八十方正治儀札自言加我數年當  
更有進處且戒予不當為汗漫之遊坐消日力

溫國先生為睢州湯文正公發義憤事予已載  
于其行狀中望谿侍郎偶及之予謂如彼人  
者猶屬天良之不盡漸滅者也侍郎笑而然  
之

一言惱殺沈梔林尚見斯人未灰心若使怡然甘笑  
罵將無放膽混人禽

梔林沈維  
祖字也

晤寶應王太守孟亭於白門因乞其購梁公杖  
先生兄弟遺集

葭湖有寄公鶴林好兄弟我求五噫文廿年紫夢寐

莫道羊叔子不如銅雀妓

題明太祖紀後

是日以阻風因遊孝陵歸而賦此

恩威轉盼太無常  
幸保功名僅六王  
朝士空曾登黨  
業書生環袂殉文章  
撥垣殺氣連天動  
竺國慈雲掃  
地亡開國規模寧  
有此類官亞聖亦  
倉皇

太祖刑修之慘高洋

不是過也繼以成祖國脉耗甚矣幸而濟川仁宣之寬大故得永世耳乃知青國之功在嗣王也

曲臺浪說重經師  
手著宸奎錄  
孝慈並后已先陵  
冢孀奪宗何怪駢枝  
前星頻震終淪落  
巖塞輕封半險危  
始信睢麟精意失  
不徒官禮致乖漓

此論為前人所未發

然有至理存焉

漫傳誠意撤胡床草昧君臣未可忘此事終應輸漢  
祖濠梁何處吊韓王太祖以事韓為諱見于利辰國  
初事蹟後人謬言文成撤昧皆  
不致然殺之無乃已甚  
其實留之以不害也

誰是條侯可授遺滿朝勛勳盡陵夷天台學士真儒  
者不救皇孫一炬危

江東祇合供偏安河北綿延控阮難聞遺車徒卜函  
谷悔教弓劍瘞長干其官空擬神京舊亡國重增青  
蓋歎盛世於今隆健絕肯容焦牧妄摧殘

江穀觀察見過

羨爾清襟甚蕭然似布衣偶然談世事依舊掩柴扉

祇愛微吟好深憂進奉非家山新著錄媿我見聞希

江表方輯鳳山小志旁徵文獻甚博

題唐山夫人房中樂後

元城劉忠定公極稱夫人樂章之工而惜后妃

傳中之見遺子謂夫人之詩足不朽矣何必廁之娥姁之末也

縣官粗解風雲曲豈有媿通群雅才一自朱弦三歎後楚歌已唱盡興臺

當年隨陸皆文士握管曾無鼓吹音笑倒叔孫諸弟  
子濫將綿蕙聽清吟

借遊尚應酬王負神鑿還當貴許侯開國英奇婦  
子更添彤管擅風流

野雞人疏正紛爭樂府誰傳淑媛名莫侍衣冠避渭  
北淒涼永巷和春聲

謁褚文忠公祠和護林

故居尚表忠清里舊恨休歌斌媚娘天子一朝忘顧  
命孤臣萬里殉炎荒浪聞節惠名曾易直到咸通莖

可傷

唐會要載公賜謚而史失之其婦並事亦僅見唐彥謙集

三復梁郎祠下句

我來歛衽媿顏行

護林原唱有曰佳兒佳婦言猶在元舅元助事繼履可謂絕對

得穆堂先生信

年來喜報沉疴減近履皆傳眠食安荆國文章猶有  
託槐堂薪火未曾寒雅知自任非遺世誰道佯狂為

棄官竊恐夢爭到玉室依然岷嶺強似神完望豁侍郎頗疑先生

以乞休故託病不知先生用世之心尚慘下也

泊花池上尋荷

故人道山去雞犬都仙遊荷花六蕭索但有青魚苗  
八公長卿躅斜日落西州

題史閣部傳後

當時若聽諸生策又費天兵再下車社稷終輸民命  
重江淮千里免為魚札賢館傲士有獻策者欲決高沙湖水以當背城之借尚部不  
可真大有功于江淮也而尚部傳中失之

聞道

聞道中書令親防孤子河度支良不惜疏導竟如何  
濁浪南來健危堤郭上過朝、卜秋汎莫笑杞憂多  
欲與水爭地由來亦大堆移民無上策沸鼎有狂瀉  
國仗魚豨重人愁井里殘誰其刑白馬拜表訴重墮  
先漢王延世前明滿季馴厲廷方側席海宇豈無人  
四瀆何當合長淮未可湮天心憐赤子早為降庾辰  
篙師編修近忽佞佛至誠且篤昭六絕句以諧  
之想發一軒渠也

又被旁門去一植居然提唱震宗風直探秘密天花  
藏不信溫公與蜀公

先生經術更無儕不是元城即了齋莫似屏山鼓狂

舌生姜樹上妄安排

屏山謂李鈍甫

打鐘掃地差堪信割水吹光恐未然我是鈍根無宿果輸君獨上竺西天

隔隣老卒詎諧惡一卷楞嚴拱讀勤試向雞鳴黍要

義東方晴色定氣：

范東叔告葉正則語

句甬禪枝遍四方密公香火尚空：明年可整東遊履牙笏官袍拜育王

詩人學佛最相宜切玉刀成游刃嬉從此相逢須退

舍速營竊孔去登陴

禪是詩人切玉刀道山句也

聖因寺

在昔 仁皇帝頻年幸聖湖山川荷明德花鳥獻  
靈符黃屋神猶降蒼生望未孤白頭諸父老試習舊  
嵩呼

谷林為梅里祁氏彌甥每見喪度先生諸藏書  
尤寶愛不惜重價購之嘗索予所有范正獻  
公集孫學士春秋解方深山易至再四以其  
皆渡生堂物也予靳之未致谷林下世予始  
悔之乃以付東潛使供之殯前而告之

東白先生親迎時東書堂前賦結稿太君解頌青箱

本即婿能教黃絹辭爾時諸祁已衰落殘截刺快紛  
嗟咨中丞止水血久化公子逐日魂無歸零落都緣

佞佛雙屏當猶飽估書兒

梨洲先生曰祁氏藏書自  
孝起學佛一切視為土苴

多半為雲門沙  
林持去賣錢

轉盼曠園竟榛莽先生憑吊泪如絲

風流宅相真健者代吳蔚為諸侯師小山揮架十萬  
卷以視外家有過之凱風寒泉孝子慕青檀故物先  
君思每逢淡生舊手澤購之不翅珊瑚枝擬將一卷  
別著錄屬予為序陳慈幃白華之養在帶州一笑何  
必磁欄衣更有王郎劈窠字東書堂前愿却遺王百  
續亭二大字各  
林以置園中旁搜未竟騎雀去令我愁過泊花池

徐君所志在挂劍孺子不須陳隻難即君試置兩楹  
上定有中宵降植恭

東潛論水心先生多所不滿予謂是宋史之誤  
也當以其開禧上殿劄子正之

水心大功在王室左右餘干成矣日同心但有一平  
陽幸挽宗祚免瓦裂

平陽謂徐忠文公子宜

論賞趙然謝殊迂

被錮怡然甘三黜斯人斯學真有用豈獨文章孫卓  
絕開禧晚用詎苟同力陳疲兵莫輕率浪試曾聞笑  
魏公輕言幾自憐龍窟且營堡塢壯金湯更緩征求  
到蚌鮎為不可勝待可勝報警有道戰有術固辭草

詔感慨多乃有痴人如易祓水心辭草詔山陽勅之

也俄而淮漢果土崩救敗終須勞一出斫營小試在

沿江竟退封狐得安集朝局再更論再翻營者流

妄周內及之由竇幸逃誅孝友摩碑偶見脫改頭換

面紛重來招擊正人咨唐突許及之即由竇尚書也

其敗而摩之斯二人者論雷孝友立陳自強碑見

水心耳其言寧足信乎陋我宋史何冥蒙縑素糊

塗不可詰誰人權史洞觀火一為前賢洗誣屈永嘉

世嫡在君家南塘經術紫芝筆但莫放言貶曾孟斯

案選須重審覈

水心說學多偉論但貶曾子孟子則真賢知之過矣

夜坐

會有西風作行看萬籟清何須怨寒暑一笑任虛盈  
歲序白駒過過心孤月明高梧多夜色沈冥羨莊生  
始寧陳憲使明時奉使交州携其牡丹以歸至  
今猶盛甌亭為之索賦

海棠社拍幾推遷尚有名花城外傳萬里軺車思舊  
德暮春風信動南天居隣馮氏耕畬野事憶郇王剪  
伐年珍重故家先故園不隨姚靳委荒煙

讀史小詠

方寸奴才亂婦曹自不禁晚為中執法無乃負初心

右徐庶

禮稱三不吊畏最笑人庸周家賢宰相後或魏韓通

右李穀

補史亭中客空山夜哭時如何撰碑事千古有微詞

按格之為在立撰碑事本傳不載別見玉海南傳中子續陵川却氏集而惜之

右元好問

長白詩人馬大鉢有讀淵明集句曰義熙尚有  
關心事豈便羲皇以上人董浦最喜誦之果  
為語也予為反其言以成其意

感時已嘆黃農沒遠世羞為漢魏音不是羲皇真種  
子義熙誰復更關心

寄懷茶塢

義公始終高弟稱李生少故人結客已嗟金盞舍杯

不道家貧

義公謂義門學士  
稱李謂稱中太常

劉腸大類中散綺語又肖西崑賢者固不可測悠々  
此意難論

簣亭憲使海昌署齋池館雜咏

其北有濃陰其南有微吟主人無俗韻此君亦虛心

右竹南詩屋

海波喜寧靜使君合高閑時聞菴花氣生香斫席間

右晏閑亭

漫天下飛白落地都做茫三春午睡醒詩思同清揚  
右絮影軒

東西更南北妙蓮葉茸、遊魚衆莫衆濠上正空濛  
右魚戲闌

吳淞若可招得半亦已饒所愁夜半去隄捷得無勞  
右剪淞堰

題天池風雨歸莊圖

濃雲如墨暝歸途風雨漫天一老夫青藤居士正沈  
醉秃筆與之俱模糊

花間偶成

每于極盛須防厄看到將殘倍有情  
慙媿斯人長寂莫不華不實度虛生

秋賦

新傳挾書律辱過溺巾時不道諸才秀  
終無箭望之夢中有客口占二句贈予醒而續之

四窓五奧諸仙宅雙韭三菁大藥材  
我是玉皇香案吏生天早已住蓬萊

中秋前一夕設林招登吳山不果移尊篋卷

天氣頗未佳諸君將安之老夫爾若好  
三迳待新詩淮南叢桂下招隱是吾心  
有客咏遠志愁聞夜雀吟

謂樊榭

明月微濛下清醑曷再陳  
歟歸棹急定為捧心人

謂董蒲

王生遺塵語下箸幾遲回  
虎既呻以聽恣君一飽來

謂法峇

同人登吳山延慶道院看月分韻得天字

日昨中秋月黠然新晴喜上吳山顛  
左江右湖新漲綠山色與之俱泐沿傑閣  
凌虛挹西爽候出草際鳴戛斜陽欲落  
未肯落一角猶挂前簷前忽然飛玄  
不知處清輝續照生寒烟寒烟和月墮  
入水精廬倒

影迹地天此時老子與不淺直欲凌風恣孤駕剗然  
長嘯散所到曲遠猶堪五百年人生陸：塵霧裡安  
得歡會永蟬連良朋夜：共樽酒月亦無復陶與圓

設林勸予移居于杭雪舫藥齋二使君亦云然  
而甌亭和之獨莖浦有以知予之難于遷也

此間良足樂思蜀還瞿然既惡善和書亦念原氏所  
以茲幾躊躇孤負卜居篇我家舊吟社近在孤山前  
連利諸高士清風定有傳重荷諸君意為續城東綠  
先衆翁結孤山  
社寓居城東  
他時倘幾幸得買陽羨田不妨一歲  
中來往三江間所憂二使君速飛不我延

秋晴集聖因寺分韻

秋老湖光好，細黍過時衰。柳尚綠，晴雲與日爭高。  
潔新水連天共，蒨藍遠寺遊。船逐歸鳥，一林涼氣下。  
空潭秋瑟，餽口哆張甚，蔬笋雖精未飽酣。謂王

護林柳漁甌亭竹田小集篁菴分韻

客與秋俱老，花偏晚放春。涼風排旅闕，爽氣集詩人。  
何處聞長笛，齊來蟄角巾。嘉名重九近，白社有間民。

白海棠

媽紅尚惹人，何堪更縞素。日暮照垂頭，貞心畏行露。  
重九雨止然，晴色未老不敢入山，因共同人閑。

遊城東諸蘭若用朱元章九日韵

疑雨疑晴未定天，幾人吟眺罷觥船。  
偶尋綠水來城角，但見蒼苔繞佛前。  
此日清遊真寂寞，其他時詩句定流傳。  
木樨花落黃花早，幽興翻緣得地偏。

咏秋芍藥同葭林

花譜以秋牡丹目之，洞庭山中花工為之，改名蓋以其為

單本  
故七

小草休夸帶典鞋，秋花尚冒殿春名。  
輕盈定入揚州夢，蕭瑟終含楚客情。  
暮靄凝時山共翠，濁醪香處客同傾。  
老夫正有將離賦，對尔能無百感生。

萼厓周都御史先司空公石友也，其從孫副使

汝觀先宗伯公姻家也今其後人已盡偶與  
穆門徵君詢其世次則每屋之裔迂杭四世  
矣為之驚喜因勸其東歸展墓以存故鄉之  
遺

城南韋杜舊通家喬木消漶亦可嗟尚識中丞埋玉  
地石人橫裂石碑斜

東潛以予脩學業贈得直閣游公景叔墓志見  
示張公芸叟之文師公餗之書章公築之篆  
而安民所錫也題詩于後

閩侯淪亡後橫渠學統湮呂蘓僅著錄潘薛更誰陳

石墨何從購遺文大可珍印公亦五思鴻筆壯安民  
讀方子苗詩

不波航口水落：東丹山頭雲漢：百年哀怨未消  
殘一卷遺音疑可作布衣何事與國家志士不忘在  
溝壑平生許劍受勾餘墓樹西靡應如昨我教大招  
詞足感橫江雀所惜夜悲歌十九已淪落

南湖觀張功夫像

張即真將種不獨教詩宗一抑事幸濟終身頓未從  
象臺消壯志蕭寺無遺容寂莫南湖上風流宛可逢  
觀湖同鈍軒

揚波相圍伍重水大夫爰白馬新來者遙知顧令君

見董戶部  
德脩集

前過京口银山得詩二句而未就乃續成之

廟中雷震斷王鼓岸口仄飛老兀魂聞道金山但生

嘴曾無風宿共追奔

以銀山為金山道日  
聞百詩始辨正之